

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 21 NOVEMBER 2023, PUKUL 10.00 PAGI

Bil. 13

WAKTU PERTANYAAN-PERTANYAAN MENTERI

1. PR-1523-MQT2522
Tuan Haji Aminolhuda bin Hassan [Sri Gading] minta **PERDANA MENTERI** menyatakan hasil mesyuarat Persidangan Kemuncak Tergempar Pertubuhan Kerjasama Islam (OIC) di Arab Saudi mengenai jenayah dan pembasmian kaum (*genocide*) yang dilakukan oleh Israel terhadap rakyat Palestin, dan apakah hasil yang memanfaatkan negara sepanjang lawatan ke Persidangan Mesyuarat Ke-30 Pemimpin-Pemimpin Ekonomi bagi Kerjasama Ekonomi Asia-Pasifik (APEC) di Amerika Syarikat baru-baru ini.

2. PR-1523-MQT2523
Tuan Mohd Azizi bin Abu Naim [Gua Musang] minta **PERDANA MENTERI** menyatakan pendirian Kerajaan Persekutuan terhadap Notis Petisyen yang difailkan oleh Nik Elin Zurina dan anaknya yang dilihat sebagai usaha mencabar Enakmen Kanun Jenayah Syariah (I) Kelantan 2019 serta apakah usaha yang dibuat oleh Kerajaan bagi memastikan undang-undang berkaitan syariah terus terpelihara.

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 21 NOVEMBER 2023, PUKUL 10.00 PAGI

Bil. 74

WAKTU PERTANYAAN-PERTANYAAN MENTERI

PERTANYAAN-PERTANYAAN BAGI JAWAB LISAN

1. PR-1523-L21299
Puan Syerleena binti Abdul Rashid [Bukit Bendera] minta **PERDANA MENTERI** menyatakan berapa jumlah Kertas Siasatan dibuka dan kes dituduh di mahkamah atas kesalahan tersebut sejak pelaksanaan Akta tersebut (Julai 2017 sehingga 2022). Memandangkan pengantunan kanak-kanak (*child sexual grooming*) merupakan suatu kesalahan di bawah Seksyen 12 Akta Kesalahan-Kesalahan Seksual Terhadap Kanak-Kanak 2017.
2. PR-1523-L22638
Komander Nordin bin Ahmad Ismail TLDM (Bersara) [Lumut] minta **MENTERI PERTAHANAN** menyatakan status terkini pelaksanaan Dasar Industri Pertahanan dan Keselamatan Negara (DIPKN) yang sudah tertangguh begitu lama.
3. PR-1523-L21621
Puan Rodiyah binti Sapiee [Batang Sadong] minta **MENTERI PERDAGANGAN DALAM NEGERI DAN KOS SARA HIDUP** menyatakan status pelaksanaan pelan komprehensif dalam merancang dan mengembangkan aktiviti ekonomi sempadan negara sekaligus mengelak ketirisan barangan bersubsidi terutamanya di sempadan Sabah dan Sarawak.

4. PR-1523-L22558

Dato' Ahmad bin Saad @ Yahaya [Pokok Sena] minta **PERDANA MENTERI** menyatakan perkembangan cadangan oleh Majlis Kebangsaan Bagi Hal Ehwal Agama Islam Malaysia (MKI) mengenai penubuhan sebuah Jawatankuasa Khas bagi melaksanakan kajian terhadap kompetensi Dewan Undangan Negeri dalam kerangka Perlembagaan Persekutuan.

5. PR-1523-L21539

Dato' Seri Haji Aminuddin bin Harun [Port Dickson] minta **MENTERI BELIA DAN SUKAN** menyatakan apakah program sokongan kebajikan dan inisiatif bagi menjana pendapatan yang disediakan untuk Atlet Paralimpik selepas mereka bersara.

6. PR-1523-L21946

Datuk Iskandar Dzulkarnain bin Abdul Khalid [Kuala Kangsar] minta **MENTERI KOMUNIKASI DAN DIGITAL** menyatakan mekanisme yang sedang dipertimbang bagi melesenkan penyedia platform besar seperti Google, Meta, dan TikTok yang menjana pendapatan menerusi kandungan daripada organisasi media tempatan dan apakah kesan jangka panjang pelesenan ini terhadap kemampanan ekosistem industri media negara.

7. PR-1523-L21554

Tuan Mohd Sany bin Hamzan [Hulu Langat] minta **MENTERI PEMBANGUNAN KERAJAAN TEMPATAN** menyatakan usaha Kementerian bagi memastikan setiap rakyat dalam negara ini mampu untuk memiliki rumah sendiri yang mampu dimiliki berdasarkan kepada pendapatan mereka serta sistem pembiayaan untuk mereka yang tidak dapat pembiayaan institusi kewangan.

8. PR-1523-L21775

Tuan Syed Saddiq bin Syed Abdul Rahman [Muar] minta **MENTERI BELIA DAN SUKAN** menyatakan berdasarkan sasaran yang diletakkan oleh KBS untuk menghantar wakil untuk acara Breakdance di pentas Olimpik Los Angeles 2028:

- (a) apakah bentuk bantuan yang disediakan oleh pihak Kementerian sebagai persediaan wakil tersebut untuk Olimpik 2028; dan
- (b) adakah pihak Kementerian juga akan meneroka acara-acara sukan baru yang akan dipertandingkan.

9. PR-1523-L(5)00189

Tuan Tan Kar Hing [Gopeng] minta **MENTERI PERDAGANGAN DALAM NEGERI DAN KOS SARA HIDUP** menyatakan tindakan Tribunal untuk memastikan serahan award Tribunal Tuntutan Pengguna Malaysia (TTPM) dapat dijalankan dengan lancar sedangkan tindakan menyerahkan Award TTPM oleh Pihak Yang Menuntut kepada Penentang menghadapi cabaran besar apabila penentang menghilangkan diri.

[Pertanyaan di bawah PM 22(5)]

10. PR-1523-L22023

Tuan Zulkifli bin Ismail [Jasin] minta **MENTERI KOMUNIKASI DAN DIGITAL** menyatakan langkah bagi menghentikan kegiatan pelacuran dalam talian melibatkan anak muda di platform X atau sebelum ini dikenali sebagai Twitter.

11. PR-1523-L21570

Puan Vivian Wong Shir Yee [Sandakan] minta **PERDANA MENTERI** menyatakan adakah Kerajaan akan menubuhkan satu jawatankuasa khas untuk menangani semua isu dan aduan yang telah dikemukakan oleh rakyat Sabah kepada Yang Di-Pertuan Agong semasa Kembara Kenali Borneo baru-baru ini.

12. PR-1523-L21693

Dato' Khair bin Mohd Nor [Ketereh] minta **MENTERI PEMBANGUNAN KERAJAAN TEMPATAN** menyatakan tindakan bagi menyelesaikan sistem perparitan di Parlimen Ketereh kerana hujan berterusan akan mengakibatkan banjir kilat.

13. PR-1523-L21910

Datuk Seri Panglima Dr. Jeffrey Gopari Kitingan [Keningau] minta **PERDANA MENTERI** menyatakan bagi membantu meningkatkan ekonomi kaum India Kerajaan telah memperuntukkan RM100 juta setahun, boleh Kerajaan memperuntukkan RM200 juta setahun untuk membantu meningkatkan ekonomi Orang Asal Sabah memandangkan 8 dari 10 daerah yang termiskin di Malaysia adalah terletak di Sabah.

14. PR-1523-L22302

Tuan Muhammad Fawwaz bin Mohamad Jan [Permatang Pauh] minta **MENTERI PEMBANGUNAN KERAJAAN TEMPATAN** menyatakan perancangan pihak Kerajaan untuk melaksanakan Projek Pembangunan Landskap Kehidupan di kawasan luar bandar.

15. PR-1523-L21291
Dato' Sri Doris Sophia anak Brodi [Sri Aman] minta **PERDANA MENTERI** menyatakan status terkini perancangan pembinaan bangunan mahkamah di kawasan Parlimen Sri Aman.
16. PR-1523-L22350
Tuan Abdul Latiff bin Abdul Rahman [Kuala Krai] minta **MENTERI KOMUNIKASI DAN DIGITAL** menyatakan apakah perancangan Kerajaan untuk memastikan insiden seperti kumpulan The 1975 yang telah melanggar peraturan persembahan dalam Malaysia dengan meminum arak, mempertontonkan aksi melampau serta memperlekeh undang-undang negara tidak berulang lagi.
17. PR-1523-L21597
Tuan Roy Angau anak Gingkoi [Lubok Antu] minta **MENTERI BELIA DAN SUKAN** menyatakan rancangan bagi memartabatkan dan memperkasa sukan mempertahankan diri atau *combat sports* seperti tinju, muay thai, tae kwon do dan sebagainya supaya Malaysia dapat melahirkan lebih banyak jaguh-jaguh *combat sports* seperti Johan "Jojo" Ghazali dan Daeloniel "Kilat Boy" McDelon.
18. PR-1523-L21688
Dato' Khilir bin Mohd Nor [Ketereh] minta **MENTERI PERTAHANAN** menyatakan apakah status pelaksanaan Bantuan Sara Hidup (BSH) kepada pesara tentera tak berpencen yang berumur 60 tahun ke atas seperti yang diumumkan oleh Kerajaan sebelum ini. Berapakah bilangan penerima BSH yang layak setakat ini.
19. PR-1523-L21896
Tuan Jimmy Puah Wee Tse [Tebrau] minta **PERDANA MENTERI** menyatakan usaha Kerajaan - JKOM untuk melawan berita palsu yang tersebar luas dalam sosial media yang akan menggugat keharmonian kaum dalam negara dan adakah Kerajaan berhasrat untuk turun padang menganjurkan program kesedaran tentang pentingnya pengesahan sesuatu berita sebelum menyebarkan.
20. PR-1523-L22038
Tuan Mohd Azizi bin Abu Naim [Gua Musang] minta **MENTERI KOMUNIKASI DAN DIGITAL** menyatakan mekanisme Kementerian bagi memastikan di sepanjang jaringan jalan negeri dan Persekutuan di negeri Kelantan mendapat liputan talian telefon dan internet sepenuhnya.

21. PR-1523-L21542

Dato' Seri Haji Aminuddin bin Harun [Port Dickson] minta **MENTERI KOMUNIKASI DAN DIGITAL** menyatakan apakah langkah-langkah kesedaran awam dan pendidikan yang telah diambil oleh Kerajaan atau pertubuhan bukan Kerajaan untuk mengajar remaja tentang penggunaan yang bertanggung jawab dalam media sosial.

22. PR-1523-L22426

Dr. Abd Ghani bin Ahmad [Jerlun] minta **PERDANA MENTERI** menyatakan apakah perkadaran yang munasabah yang diamalkan oleh Kerajaan untuk memastikan hak-hak keistimewaan orang Melayu dalam perkhidmatan awam, agensi Kerajaan, GLC dan GLIC berdasarkan Perkara 153 (2) Perlembagaan Persekutuan sentiasa terjamin.

23. PR-1523-L21279

Dr. Richard Rapu @ Aman anak Begri [Betong] minta **MENTERI KOMUNIKASI DAN DIGITAL** menyatakan :

- (a) apakah status terkini liputan 4G bagi Wilayah Sarawak, dan; dan
- (b) apakah status dan hasil terkini usaha SKMM membantu Sarawak Digital Economic Corporation (SDEC) bagi menentukan menara-menara yang telah dibina oleh SDEC dapat dilengkapkan peralatan pemancar MOCN.

24. PR-1523-L22107

Puan Hajah Salamiah binti Mohd Nor [Temerloh] minta **PERDANA MENTERI** menyatakan :

- (a) apakah dasar atau polisi Kerajaan Madani berhubung dengan pembinaan rumah generasi kedua FELDA di kawasan tapak rumah asal; dan
- (b) mengapakah bekalan air dan elektrik pada masa kini tidak diberi kebenaran untuk dipasang di rumah generasi kedua FELDA.

25. PR-1523-L21300

Dato' Sri Doris Sophia anak Brodi [Sri Aman] minta **PERDANA MENTERI** menyatakan :

- (a) jumlah projek pembangunan di kawasan Parlimen Sri Aman; dan
- (b) status terkini pelaksanaan projek pembangunan di kawasan Parlimen Sri Aman dalam Rancangan Malaysia Kedua Belas (RMK-12).

26. PR-1523-L21381

Datuk Seri Ir. Dr. Wee Ka Siong [Ayer Hitam] minta **MENTERI KOMUNIKASI DAN DIGITAL** menyatakan justifikasi kelonggaran tidak memenuhi syarat had pemilikan 49% ekuiti asing dan juga pemberian lesen operasi selama 10 tahun kepada penyedia *Internet, Starlink* dan sejauh manakah kelonggaran ini memberi kesan terhadap dasar keselamatan siber negara. Memandangkan liputan 4G dan 5G kian mantap di Malaysia manakala rangkaian internet keseluruhannya akan siap dalam tempoh terdekat, apakah anggaran kos per kapita penggunaan *Starlink* dalam projek ini.

27. PR-1523-L21546

Dato' Indera Mohd Shahar bin Abdullah [Paya Besar] minta **MENTERI PERDAGANGAN DALAM NEGERI DAN KOS SARA HIDUP** menyatakan apakah langkah Kerajaan untuk meningkatkan aktiviti perbelanjaan dalam kalangan pengguna yang semakin berhati-hati berbelanja bagi merancakkan ekonomi negara.

28. PR-1523-L21328

Dato' Haji Adnan bin Haji Abu Hassan [Kuala Pilah] minta **PERDANA MENTERI** menyatakan mekanisme yang dilaksanakan Kerajaan bagi memendekkan tempoh giliran menunggu jemaah haji dan perancangan Kerajaan bagi mempercepatkan giliran jemaah yang berusia atau warga emas supaya dapat menunaikan haji sementara masih sihat.

29. PR-1523-L21481

Tuan Sim Tze Tzin [Bayan Baru] minta **PERDANA MENTERI** menyatakan perkembangan terkini *task force* 1MDB yang diketuai YB. Titiwangsa, berapa jumlah yang boleh diperolehi daripada Goldman Sachs dan negara asing. Adakah Kerajaan akan mendakwa Goldman Sachs ke mahkamah.

30. PR-1523-L22087

Dato' Hajah Mumtaz binti Md Naww [Tumpat] minta **PERDANA MENTERI** menyatakan kaedah dan sumber kewangan bawah perlembagaan yang boleh dan telah diperuntukkan kepada semua ahli Parlimen yang dipilih secara sah dalam pilihan raya selain daripada elaun ahli Parlimen untuk memberikan khidmat kepada rakyat di kawasan Parlimen masing-masing.

31. PR-1523-L22662
Datuk Ir. Shahelmey bin Yahya [Putatan] minta **MENTERI PEMBANGUNAN KERAJAAN TEMPATAN** menyatakan langkah pihak Kementerian dalam menangani isu-isu kemudahan asas di beberapa blok Projek Perumahan Rakyat (PPR) di dalam Parlimen Putatan yang tidak diselenggara dengan baik.
32. PR-1523-L21748
Dato' Sri Ikmal Hisham bin Abdul Aziz [Tanah Merah] minta **MENTERI PERTAHANAN** menyatakan kaedah pelaksanaan perolehan Kapal *Littoral Mission Ship* (LMS) Batch 2 yang telah diumumkan oleh Kerajaan sebagaimana ucapan dasar Yang Amat Berhormat Perdana Menteri sewaktu membentangkan Laporan Kajian Separuh Penggal Rancangan Malaysia Ke-12 (RMKe-12) baru-baru ini. Adakah Kementerian Pertahanan akan melaksanakan perolehan secara tender terbuka antarabangsa memandangkan wujud minat yang sangat tinggi daripada beberapa syarikat pembina kapal terkemuka di seluruh dunia.
33. PR-1523-L21326
Dato' Haji Adnan bin Haji Abu Hassan [Kuala Pilah] minta **MENTERI KOMUNIKASI DAN DIGITAL** menyatakan perkembangan terkini hasrat Kementerian untuk mensasarkan 1 DUN mempunyai 1 Pusat Ekonomi Digital (PEDi) dan sama ada Kementerian mempunyai perancangan untuk menaik taraf semua PEDi di Malaysia untuk mempunyai Rakan PEDi.
34. PR-1523-L22209
Datuk Haji Ahmad Amzad bin Mohamed @ Hashim [Kuala Terengganu] minta **PERDANA MENTERI** menyatakan berapa jumlah perbelanjaan Kerajaan yang telah dihabiskan sewaktu tempoh kempen Pilihan Raya Negeri Ke-15 yang lalu.
35. PR-1523-L21421
Tuan Lim Guan Eng [Bagan] minta **PERDANA MENTERI** menyatakan tentang tindakan ke atas Goldman Sachs untuk dapat balik lebih daripada USD 3.9 bilion yang ditawarkan berbanding dengan USD 6.5 bilion tawaran bon yang diselewengkannya bersama Jho Low. Apakah status usaha menangkap Jho Low atas peranan utamanya dalam skandal kewangan 1MDB sebanyak RM 52 bilion yang merugikan rakyat dan negara.

36. PR-1523-L22420

Dato' Sri Dr. Haji Ismail bin Haji Abd. Muttalib [Maran] minta **MENTERI PEMBANGUNAN KERAJAAN TEMPATAN** menyatakan tindakan Kementerian berhubung isu meter air pukal di bawah seliaan Badan Pengurusan Bersama (JMB) termasuk tunggakan pembayaran meter air pukal sehingga menyebabkan bekalan air pengguna dipotong.

37. PR-1523-L22185

Tuan Chong Chieng Jen [Stampin] minta **MENTERI PEMBANGUNAN KERAJAAN TEMPATAN** menyatakan senarai projek-projek penyelesaian banjir kilat yang telah dilaksanakan atau dicadangkan di Bandaraya Kuching dalam tahun 2020 hingga 2025, berapakan jumlah peruntukan untuk projek-projek itu dan apakah status pelaksanaannya.

38. PR-1523-L21551

Tuan Mohd Sany bin Hamzan [Hulu Langat] minta **MENTERI BELIA DAN SUKAN** menyatakan apakah Kementerian berhasrat menghidupkn semula program Biro Tatanegara dan Program Rakan Muda dengan modul yang lebih membina rohani dan jasmani.

39. PR-1523-L21901

Tuan Kalam bin Salan [Sabak Bernam] minta **PERDANA MENTERI** menyatakan tatakelola bagi merangka Akta Kebebasan Maklumat. Sejauh mana kajian Kerajaan terhadap pengalaman dan pendekatan negara lain dalam hal ini. Bagaimana ia bersesuaian dalam konteks Malaysia khususnya dalam menjamin keseimbangan privasi individu, keselamatan negara dan akses awam.

40. PR-1523-L22046

Dr. Hajah Halimah Ali [Kapar] minta **MENTERI PEMBANGUNAN KERAJAAN TEMPATAN** menyatakan :

- (a) bagaimanakah Kerajaan mengawal sebelum memberi kelulusan merancang (KM) untuk projek perumahan yang terletak di kawasan yang dikelilingi kilang-kilang terutama zon perindustrian berat seperti di Kapar dan pihak manakah yang bertanggungjawab untuk memastikan infrastruktur sempurna; dan
- (b) bagaimana Kerajaan mengatasi isu melibatkan projek lama yang mengalami natijah infrastruktur yang tidak menampung keperluan pembangunan bercampur sebegini.

41. PR-1523-L22574

Dato' Hajah Siti Zailah binti Mohd Yusoff [Rantau Panjang] minta **MENTERI PERDAGANGAN DALAM NEGERI DAN KOS SARA HIDUP** menyatakan usaha terkini Kerajaan dalam menangani kos sara hidup rakyat yang semakin meningkat dan ianya telah membuktikan Majlis Tindakan Sara Hidup Negara telah gagal menjalankan fungsinya untuk membela nasib rakyat.

42. PR-1523-L21100

Tuan Hassan bin Abdul Karim [Pasir Gudang] minta **MENTERI PERDAGANGAN DALAM NEGERI DAN KOS SARA HIDUP** menyatakan adakah program Payung Rahmah dan Jualan Rahmah berjaya mengurangkan masalah kenaikan kos sara hidup sekarang ini.

43. PR-1523-L21457

Tuan Mohamad Shafizan Haji Kepli [Batang Lupar] minta **PERDANA MENTERI** menyatakan sejauh manakah pencapaian Kerajaan Perpaduan dalam mengembalikan hak-hak Sarawak seperti yang termaktub di bawah Perjanjian Malaysia 1963.

44. PR-1523-L21724

Datuk Ali anak Biju [Saratok] minta **MENTERI PEMBANGUNAN KERAJAAN TEMPATAN** menyatakan inisiatif yang diambil untuk mengurangkan jumlah setinggan dengan membina lebih banyak rumah mampu milik di bandar-bandar utama di Sarawak. Adakah permintaan untuk rumah mampu milik jauh lebih banyak berbanding dengan kemampuan Kerajaan membina rumah mampu milik yang baru. Berapakah jumlah keseluruhan permintaan di seluruh Sarawak.

45. PR-1523-L21603

Dato' Sri Ismail Sabri bin Yaakob [Bera] minta **MENTERI PERDAGANGAN DALAM NEGERI DAN KOS SARA HIDUP** menyatakan usaha yang sedang dilaksanakan oleh Kementerian bagi mengawal peningkatan kos sara hidup rakyat. Apakah status terkini Dasar Ekonomi Rahmah yang dijangka dibentangkan pada bulan ini.

46. PR-1523-L21683

Datuk Wira Hajah Mas Ermieyati binti Samsudin [Masjid Tanah] minta **PERDANA MENTERI** menyatakan sejauh manakah sasaran untuk berada di tangga ke-25 teratas dunia dalam Indeks Persepsi Rasuah (CPI) mampu dicapai memandangkan kes DNAA baru-baru ini yang melibatkan kes berprofil tinggi yang bukan sahaja bukan sahaja dipertikai rakyat Malaysia tetapi turut menimbulkan ketidakpercayaan masyarakat dunia.

47. PR-1523-L22347

Tuan Abdul Latiff bin Abdul Rahman [Kuala Krai] minta **MENTERI KOMUNIKASI DAN DIGITAL** menyatakan :

- (a) apa status terkini projek JENDELA di dalam kawasan Parlimen Kuala Krai; dan
- (b) apakah penyelesaian terhadap isu capaian internet yang semakin lemah di Kuala Krai.

48. PR-1523-L22616

Datuk Wan Saifulruddin bin Wan Jan [Tasek Gelugor] minta **MENTERI PEMBANGUNAN KERAJAAN TEMPATAN** menyatakan perancangan Kerajaan untuk menambah bilangan rumah kos rendah, kos sederhana rendah, projek perumahan rakyat dan rumah mampu milik di Pulau Pinang untuk mengelakkan warga Pulau Pinang terpaksa berpindah dari kawasan pulau ke Seberang Perai dan Kedah.

49. PR-1523-L22223

Datuk Seri Takiyuddin bin Hassan [Kota Bharu] minta **PERDANA MENTERI** menyatakan apakah Kerajaan bersedia untuk menubuhkan Jawatankuasa Khas bagi mengkaji secara mendalam kompetensi Dewan Undangan Negeri-negeri dalam menggubal undang-undang Syariah selaras dengan titah Baginda Sultan Selangor atas kapasiti Baginda sebagai Pengerusi Majlis Kebangsaan Bagi Hal Ehwal Agama Islam Malaysia (MKI).

50. PR-1523-L22508

Tuan Shaharizukirnain bin Abd. Kadir [Setiu] minta **MENTERI PERDAGANGAN DALAM NEGERI DAN KOS SARA HIDUP** menyatakan langkah tegas Kementerian terhadap peniaga-peniaga yang tidak mematuhi harga kawalan di pasaran dan sejauh mana Unit Risikan Perniagaan yang ditubuhkan mampu bertindak secara holistik meliputi seluruh negara.

51. PR-1523-L22243

Tan Sri Haji Abdul Hadi bin Awang [Marang] minta **PERDANA MENTERI** menyatakan pendirian Kerajaan berhubung pengumuman peruntukan dan projek-projek negeri sewaktu kempen pilihan raya yang dilihat bertentangan janji reformasi.

52. PR-1523-L22030

Tuan Zulkifli bin Ismail [Jasin] minta **PERDANA MENTERI** menyatakan apakah usaha Kerajaan dalam membanteras ajaran sesat yang turut disebarkan melalui platform internet seperti Ajaran Si Hulk.

53. PR-1523-L21817

Dato' Verdon bin Bahanda [Kudat] minta **PERDANA MENTERI** menyatakan rancangan Kementerian untuk memudah cara bantuan kilat bagi mangsa bencana alam yang kehilangan tempat tinggal. Berapa jumlah bantuan yang telah disalurkan kepada Parlimen Kudat khusus untuk bencana alam yang berlaku sepanjang tahun 2023.

54. PR-1523-L22555

Datuk Haji Ahmad Marzuk bin Shaary [Pengkalan Chepa] minta **PERDANA MENTERI** menyatakan susulan pengambil alihan syarikat Boustead Plantation Berhad, anak syarikat Kumpulan Lembaga Tabung Angkatan Tentera (LTAT) oleh Kuala Lumpur Kepong Berhad (KLK):

- (a) adakah Government Link Investment Companies (GLIC) lain melakukan perkara yang sama termasuk Lembaga Tabung Haji (LTH) yang memegang anak-anak syarikat dan aset-aset bernilai dan strategik umat Islam. Adakah terdapat perancangan pihak LTH untuk melupuskan aset atau saham anak-anak syarikatnya mengikuti jejak langkah LTAT. Sekiranya ada, sila senaraikan mengikut pecahan syarikat subsidiari; dan
- (b) apakah usaha-usaha yang diambil oleh pihak LTH bagi memastikan anak-anak syarikatnya dan aset-aset pelaburannya sentiasa berdaya saing dan memberikan pulangan pelaburan yang kompetitif.

ATURAN URUSAN MESYUARAT DAN USUL-USUL

1. **Menyambung semula pertimbangan ke atas Rang Undang-undang Perbekalan 2024 (D.R.31/2023) dan Usul Anggaran Perbelanjaan Pembangunan 2024 seperti berikut :**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari sembilan puluh dua bilion ringgit (RM92,000,000,000) dibelanjakan daripada Kumpulan Wang Pembangunan bagi tahun 2024, dan bagi tujuan dan butiran Perbelanjaan Pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2024, yang dibentangkan sebagai Kertas Perintah 34 Tahun 2023, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (20 November 2023)

2. (D.R. 36/2023) Rang Undang-Undang Kewangan (No.2) 2023. **Bacaan Kali Yang Kedua**
[Menteri Kewangan]
3. (D.R. 33/2023) Rang Undang-Undang Syarikat (Pindaan) 2023 - **Menyambung semula perbahasan atas masalah, "Bahawa Rang Undang-undang ini dibacakan kali yang kedua sekarang," (12 Oktober 2023)**
[Menteri Perdagangan Dalam Negeri dan Kos Sara Hidup]
4. (D.R. 25/2023) Rang Undang-Undang Kawalan Produk Merokok Demi Kesihatan Awam 2023 – **Bacaan Kali Yang Kedua**

Dan;

Pengerusi Jawatankuasa Pilihan Khas Kesihatan oleh Yang Berhormat Datuk Seri Dr. Dzulkefly bin Ahmad, Ahli Parlimen Kuala Selangor akan mencadangkan :

“BAHAWA Penyata yang disiapkan oleh Jawatankuasa Pilihan Khas Kesihatan untuk mengkaji Rang Undang-Undang Kawalan Produk Merokok Demi Kesihatan Awam 2023, yang dibentangkan dalam Majlis ini sebagai Kertas DR. 8 Tahun 2023 diperkenankan mengikut Peraturan Mesyuarat 60”.

5. (D.R. 26/2023) Rang Undang-Undang Makanan (Pindaan) 2023. **Bacaan Kali Yang Kedua**
[Menteri Kesihatan]

6. PR-1523-U(27)278
Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk segera menangani isu gangguan bekalan beras putih tempatan (BPT) di pasaran yang kian meruncing susulan tindakan India menghentikan eksport beras putihnya ke pasaran.

Langkah penetapan had pembelian maksimum 100kg BPT untuk setiap individu dan syarikat bermula 7 September 2023 hanyalah penyelesaian yang bersifat sementara dan Kerajaan seharusnya mula merangka satu pelan yang lebih tuntas dalam usaha menjamin keterjaminan bekalan beras di Malaysia bagi jangka masa yang panjang.

Kerajaan perlu segera mewujudkan rangka tindakan yang lebih komprehensif bagi mengurangkan impak inflasi makanan global dari terus menghimpit rakyat negara ini khususnya berkaitan beras yang menjadi makanan ruji kita semua."

[Menteri Pertanian dan Keterjaminan Makanan]

7. PR-1523-U(27)279
Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan mencari penyelesaian untuk mengurangkan kos pengambilan pekerja asing yang kian melambung tinggi. Kebergantungan majikan tempatan terhadap pekerja asing berbanding pekerja tempatan di negara ini bukanlah perkara asing terutama dalam sektor 3D (*dirty, dangerous and difficult*).

Maka, adalah penting untuk mewujudkan satu dasar yang lebih komprehensif bagi mengurangkan kebergantungan terhadap pekerja asing agar pekerja tempatan diberi keutamaan terlebih dahulu dengan reformasi terhadap ekosistem sektor 3D meliputi kadar gaji, faedah dan sebagainya yang berpadanan dengan risiko pekerjaan perlu diimplementasikan secara berseiringan."

[Menteri Dalam Negeri]

8. PR-1523-U(27)280

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk mewujudkan satu dasar mengutamakan sajian menu buah-buahan tempatan di semua majlis rasmi Kerajaan sebagai galakan dan sokongan kepada pemain industri buah-buahan tempatan serta ke arah membudayakan amalan pemakanan sihat.

Adalah menjadi tanggungjawab Kementerian bagi membantu pengusaha buah-buahan tempatan untuk memasarkan serta mempromosi hasil ladang mereka dan sekali gus meningkatkan pendapatan. Maka melalui sajian menu buah-buahan di kesemua majlis rasmi Kerajaan perlu dibudayakan sepenuhnya sebagai sokongan terhadap industri buah-buahan tempatan.

[Menteri Pertanian dan Keterjaminan Makanan]

9. PR-1523-U(27)281

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan jangka masa panjang yang menyeluruh dalam memastikan Jumlah Kadar Kesuburan (Total Fertility Rate) bagi rakyat Malaysia terus meningkat.

Negara kita telah beralih ke status negara menua pada tahun 2021. Hal ini kerana peratusan penduduk berusia 65 tahun dan ke atas telah mencapai 7% daripada jumlah populasi. Trend ini menunjukkan peningkatan dalam dua tahun lalu pada kadar 0.2 peratus setahun di mana pada tahun 2022 sebanyak 7.2% dan dijangka pada tahun 2023 mencapai 7.4%.

Dalam tempoh dua dekad lagi, negara dijangka beralih kepada negara tua apabila kohort umur yang sama mencapai 14% daripada jumlah populasi. Peralihan ini tentunya memberikan kesan yang paling ketara iaitu kepada penurunan trend populasi pekerja dan produktiviti. Bagi menghadapi cabaran dan dampak negara menua, kita perlu mencari jalan memperlambatkan proses penuaan ini. Proses penuaan ini tidak boleh dihalang atau diberhentikan tetapi kita perlu mempunyai pelan persediaan bagi menghadapi situasi tersebut.

Jika kita teliti jumlah peratusan struktur umur penduduk yang berumur 0-14 tahun berlaku penurunan pada kadar 0.4% bagi 3 tahun iaitu ; tahun 2020 sebanyak 24%, 2021 sebanyak 23.6%, 2022 sebanyak 23.2%, dan 2023 sebanyak 22.6%.

Umum mengetahui negara-negara jiran dan serantau juga menghadapi perkara penurunan bagi jumlah kadar kesuburan, tetapi kadar tersebut agak perlahan penurunannya. Sehubungan itu, objektif kita agar dapat melandaikan graf penurunan ini bagi negara kita.

Persoalan saya, apakah kemampuan hospital Kerajaan dalam meningkatkan kemampuan kesihatan reproduktif. Berapa jumlah Hospital yang menyediakan perkhidmatan IUI dan IVF. Berapa ramai doktor pakar reproduktif masih berkhidmat di hospital Kerajaan. Adakah harga perkhidmatan yang dikenakan mampu diakses oleh rakyat. Berapa jumlah makmal reproduktif.

Dewan Rakyat juga perlu mencadangkan agar Kerajaan menetapkan polisi yang mampan seperti fleksibel waktu bekerja, yuran pusat penjagaan kanak yang mampu bayar, perbanyakkan pusat asuhan ditempat kerja, dan *paternity leave* kepada ibu bapa yang bekerja untuk meringankan bebanan mereka dalam meningkatkan kadar reproduktif rakyat Malaysia. *Population Complexity* ini yang harus kita uruskan dengan penuh keberanian dan semua pihak kena bersama-sama."

[Menteri Pembangunan Wanita, Keluarga dan Masyarakat]

10. PR-1523-U(27)283

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah Kertas Putih Imigresen yang membincangkan tentang kadar atau jumlah sebenar kemasukan pelawat asing ke negara Malaysia.

Perkara ini bertujuan untuk mengetahui pergerakan pelawat asing berkenaan sama ada mereka terus tinggal di Malaysia atau dalam satu tempoh tertentu. Menerusi ini kita akan mengetahui jumlah sebenar populasi rakyat di negara ini melalui pengenalpastian perbezaan antara jumlah Warganegara Malaysia, Jumlah Pelawat Asing yang masuk ke negara kita sebagai pekerja ataupun dengan tujuan melancong.

Hal ini, akan memudahkan Kerajaan untuk merangka dan melaksanakan pelbagai pelan inisiatif mahupun bantuan seperti subsidi bersasar dan lain-lain agar setiap pelaksanaan tersebut dinikmati oleh rakyat di negara kita."

[Menteri Dalam Negeri]

11. PR-1523-U(27)286

Datuk Seri Panglima Madius Tangau [Tuaran] akan mencadangkan :

"Bahawa Dewan ini menerima hakikat bahawa lebih 100,000 calon peperiksaan SPM pada tahun 2022 telah gagal dalam mata pelajaran dan sekaligus gagal mendapat Sijil Pelajaran Malaysia (SPM).

Menerima hakikat juga bahawa kegagalan dalam peperiksaan SPM ini mengakibatkan masa depan yang gelap kepada calon pada purata 70 ribu hingga 100 ribu setahun.

Menerima hakikat bahawa pelajar tercicir ini tidak ada lagi ruang untuk melanjutkan pelajaran maka segolongan pelajar tercicir ini akan menjadi kerugian dalam sumber tenaga kerja negara.

Dan menerima hakikat bahawa matlamat mendidik sebuah generasi pelajar untuk membina dan membangun negara kita telah gagal maka Kerajaan hendaklah mengambil tindakan yang serius terhadap masalah ini.

Maka dengan itu Dewan Yang Mulia ini hendaklah membuat ketetapan agar silibus dan buku-buku teks Subjek Sejarah Tingkatan Satu, Dua, Tiga, Empat dan Tingkatan Lima hendaklah dikaji semula dan sebuah Jawatankuasa Pilihan Khas Parlimen hendaklah ditubuhkan untuk mendapat pandangan daripada setiap lapisan masyarakat daripada seluruh pelusuk negara, dan pada masa yang sama Jemaah Kabinet hendaklah menubuhkan sebuah Jawatankuasa Kabinet Kajian Semula Silibus dan Buku Teks Sejarah yang dianggotai oleh Menteri-Menteri yang mewakili Sabah, Sarawak, Persekutuan Tanah Melayu dan parti-parti politik yang menubuhkan Kerajaan Perpaduan."

[Menteri Pendidikan]

12. PR-1523-U(27)287

Datuk Seri Panglima Madius Tangau [Tuaran] akan mencadangkan :

"Bahawa Dewan ini Menerima hakikat bahawa sebuah Suruhanjaya Siasatan DiRaja yang ditubuhkan oleh Kerajaan suatu ketika dahulu telah berjaya membuat siasatan dan seterusnya telah dibentangkan di Dewan Yang Mulia ini.

Dan menerima hakikat bahawa setelah sekian lama laporan tersebut telah gagal dilaksanakan dan mengakibatkan ketidakpuasan hati sebahagian besar daripada rakyat Malaysia.

Menerima hakikat juga bahawa rakyat tertanya-tanya apakah yang telah terjadi dengan laporan Suruhanjaya Siasatan DiRaja tersebut.

Dan menerima hakikat bahawa kecelaruan urus tadbir Pendatang Tanpa Izin; Penduduk Asing di Sabah yang mempunyai Kad Pengenalan yang meragukan; Peningkatan Bilangan penduduk di Sabah Tanpa Kewarganegaraan ataupun *stateless children* dan kehadiran orang asing yang memegang dokumen IMM13 yang tidak ada halatuju.

Maka Dewan Yang Mulia ini hendaklah membuat ketetapan bahawa sebuah Jawatankuasa Pilihan Khas Parlimen untuk meneliti dan mengkaji semula rekomendasi dan perakuan Laporan Suruhanjaya Siasatan DiRaja Mengenai Pendatang Asing Tanpa Izin untuk merumuskan suatu Road Map penyelesaian tuntas terhadap masalah oleh empat kategori penduduk golongan pendatang asing di Sabah."

[Menteri Dalam Negeri]

13. PR-1523-U(27)290

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan meletakkan sebuah garis panduan untuk sekolah-sekolah bagi pengurusan dana, perbelanjaan, dan juga aktiviti kutipan wang daripada pelajar, ibu-bapa, dan orang ramai. Selain itu, sebuah badan pemantau perlu diwujudkan bagi memastikan garis panduan ini dipatuhi. Ini kerana, kini sudah menjadi sebuah kelaziman untuk pihak-pihak sekolah menganjurkan program-program dan majlis-majlis yang memakan belanja besar, yang menggunakan duit daripada poket pelajar. Sebahagian daripada majlis ini mewajibkan kehadiran, dan sebahagian lainnya adalah secara sukarela. Tetapi harus kita faham, kewujudan jurang ekonomi akan membuatkan wujudnya golongan pelajar yang rasa keciciran sosial disebabkan faktor kewangan keluarga. Ia juga membuat mereka berasa tertekan serta memberi tekanan kepada ibu-bapa, lebih-lebih lagi dalam situasi ekonomi kini. Bukan sahaja untuk majlis, malah sering juga pihak sekolah membuat kutipan wajib bagi pembaharuan infrastruktur, dan kutipan ini kadangkala boleh mencecah ratusan ringgit. Isu ini merupakan sebuah isu yang kurang mendapat perhatian tetapi penting untuk dibawa ke hadapan kerana ia melibatkan sosioekonomi keluarga B40 dan M40 serta kesejahteraan perkembangan minda dan emosi para pelajar yang bakal menjadi teraju negara ini di masa hadapan. Selain itu, dibimbangi jika tiada pemantauan dilakukan, perkara ini akan membuka ruang untuk pihak tertentu mengambil kesempatan."

[Menteri Pendidikan]

14. PR-1523-U(27)291

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan mengambil langkah pro-aktif dalam menangani serta menghentikan kes jenayah dera kanak-kanak di negara ini. Menteri Dalam Negeri pada 14 Mac 2023 melaporkan bahawa terdapat 220 kes kanak-kanak mati akibat penderaan antara tahun 2018 hingga 2022. Data Kementerian Pembangunan Wanita, Keluarga dan Masyarakat antara Januari hingga Jun 2022 juga mendedahkan terdapat 1,055 kes penderaan kanak-kanak di negara ini. Kanak-kanak adalah masa depan negara. Lantaran itu, pihak kerajaan wajar menangani lantas menghentikan kitaran dera ini dengan sebuah target 'Dera Sifar' menerusi langkah-langkah pro-aktif seperti mewajibkan kursus penjagaan anak, mewujudkan sistem pemantauan berkala, meneliti semula undang-undang serta garis panduan berkenaan penjagaan kanak-kanak, meningkatkan kesedaran masyarakat, dan lain-lain."

[Menteri Dalam Negeri]

15. PR-1523-U(27)292

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat menggesa Kerajaan mengambil tindakan yang lebih pro-aktif dan efisien bagi meningkatkan kesedaran, tindak balas, dan kerjasama masyarakat dalam menghadapi bencana alam. Kerajaan telah mengumumkan penubuhan Pusat Bencana Geologi Negara pada akhir tahun ini serta pembangunan Sistem Amaran Awal Tanah Runtuh (SAATR). Inisiatif ini akan dapat meningkatkan kecekapan tindak balas bencana agensi-agensi berkaitan. Bagaimana pula dengan tindak balas masyarakat."

Apa yang telah dan sedang Kerajaan usahakan bagi memastikan rakyat bukan sahaja peka tetapi takut dan patuh kepada arahan yang dikeluarkan oleh pihak berkuasa. Kerajaan perlu menguatkuasakan Akta Pertahanan Awam 1951, Akta 221 bawah seksyen 4 (C) di mana tindakan boleh diambil ke atas mereka yang tidak patuh kepada arahan pihak berkuasa contohnya arahan untuk berpindah dalam situasi banjir yang boleh membahayakan penduduk dan pada masa yang sama memberi risiko kepada penyelamat."

[Perdana Menteri]

16. PR-1523-U(27)293

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan makanan seperti beras tempatan, ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan makanan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bekalan makanan. Kerajaan tidak seharusnya melepaskan tanggungjawab menjaga keterjaminan bekalan makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

17. PR-1523-U(27)294

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan membolehkan penyelidikan yang agresif dibuat bagi menghasilkan benih padi baru di samping menyelesaikan masalah ketidakcukupan benih padi di pasaran. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia dan Myanmar yang mempunyai tanaman baka padi yang berdaya komersial tinggi."

[Menteri Pertanian dan Keterjaminan Makanan]

18. PR-1523-U(27)295

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat situasi iklim yang tidak menentu serta kenaikan harga barang. Kerosakan tanaman dan kematian ternakan seringkali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

19. PR-1523-U(27)296

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia-Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia-Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan dron. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket pemerdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan. Mohon pihak kerajaan memandang serius perkara ini dengan menyegerakan pembangunan tembok sempadan Malaysia-Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia-Thailand agar benar-benar berkesan menjamin keselamatan perbatasan negara."

[Perdana Menteri]

20. PR-1523-U(27)297

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan di peringkat negeri diberikan mengikut keutamaan dan keperluan Kerajaan Negeri. Berdasarkan pelan RMK-12, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Namun begitu, terdapat beberapa projek yang diluluskan oleh Kerajaan Persekutuan tidak mengambil kira cadangan dan hasrat Kerajaan Negeri khususnya di Perlis untuk mempelbagaikan fungsi sesuatu projek sedangkan Kerajaan Negeri mempunyai dasar serta hala tuju yang telah mengambil kira pelbagai keperluan dan kehendak semasa serta pada masa hadapan. Misalnya, Projek Lencongan Banjir Barat Timah Tasoh yang telah dilaksanakan pada tahun 2015, di mana dalam pembinaan terowong banjir terdapat skop pembinaan pada item pencahayaan di dalam terowong berjumlah RM300 ribu. Namun, skop berkenaan telah dikeluarkan atas alasan penjimatan. JPS Perlis selaku pelaksana projek telah membangkitkan perkara ini supaya dikekalkan atas faktor keselamatan dan memudahkan kerja pemantauan serta penyelenggaraan di dalam terowong di masa hadapan. Akan tetapi, ianya masih tetap dikeluarkan daripada skop asal projek."

[Menteri Ekonomi]

21. PR-1523-U(27)298

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Kerajaan tidak boleh hanya memperkenalkan inisiatif yang hanya sekadar '*rebranding*' daripada Kerajaan sebelum ini kerana perubahan yang besar perlu dilakukan bagi mendepani kenaikan kos pembinaan disebabkan kenaikan harga barang binaan. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan

Negara dan memerlukan input dari pelbagai Agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini juga akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40."

[Perdana Menteri]

22. PR-1523-U(27)299

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

23. PR-1523-U(27)300

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal ini demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiaga siaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

24. PR-1523-U(27)301

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan. Oleh sebab itu, masalah pencerobohan, penyeludupan, pemerdagangan manusia dan perdagangan narkotik adalah antara isu yang saban tahun masih berlaku dan sukar ditumpaskan. Dengan siapnya Lebuhraya Sematan – Telok Melano juga baru-baru ini secara tidaklangsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

25. PR-1523-U(27)302

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

26. PR-1523-U(27)303

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan bersikap adil dalam mengamalkan kebebasan media di Malaysia. Kerajaan tidak seharusnya menjadikan Suruhanjaya Komunikasi Multimedia Malaysia (SKMM) sebagai alat politik untuk menyekat mana-mana isi kandungan media yang tidak '*pro*' Kerajaan atau tidak sependapat dengan Kerajaan. YAB Perdana Menteri yang memerintah Kerajaan pada masa ini telah berikrar dalam manifestonya untuk memastikan hak kebebasan bersuara dan melindungi kebebasan media. Namun, keadaan sebaliknya berlaku selepas beberapa bulan beliau membentuk Kerajaan. Lebih mendukacitakan, kebebasan media yang diwar-warkan Kerajaan hanyalah terhad kepada '*pro*' Kerajaan sahaja, manakala parti pembangkang secara halus dikenakan sekatan kepada akses media. Mana-mana media rasmi Kerajaan mahupun swasta tidak diberi kebenaran untuk menyiarkan berita mengenai parti pembangkang mahupun pihak yang menentang Kerajaan. Oleh demikian, Kerajaan digesa supaya berlaku adil dalam menyalurkan maklumat kepada rakyat. Tindakan ini adalah penting untuk memastikan hak kebebasan media tidak dicabul sewenang-wenangnya oleh pihak-pihak tertentu."

[Menteri Komunikasi dan Digital]

27. PR-1523-U(27)304

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

28. PR-1523-U(27)305

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan mengkaji semula kawasan keluar dan masuk sempadan Malaysia-Thailand di Wang Kelian, Perlis. Sebelum ini, penduduk kedua-dua negara boleh menikmati kemudahan bergerak sehingga dua kilometer tanpa menggunakan pasport atau pas sempadan pada hari minggu. Kuatkuasa itu pernah dibuat bermula tahun 1993 hingga 2015. Akan tetapi, penarikan semula kemudahan kebebasan bergerak ini telah dibuat pada tahun 2015 kerana penemuan rangka manusia mangsa sindiket pemerdagangan manusia yang dipercayai etnik Rohingya. Susulan itu, Wang Kelian menjadi pekan mati hingga kini. Kerajaan Negeri Perlis cuba membangunkan semula kawasan pelancongan di Wang Kelian, namun ianya tidak semeriah dahulu. Justeru itu, Kerajaan diharapkan dapat mengkaji dan mempertimbangkan semula untuk memberi kemudahan bergerak di antara kedua-dua negara seperti sebelum ini. Dengan kemudahan tersebut, ianya akan dapat menjana semula perkembangan ekonomi khususnya buat penduduk tempatan yang sebelum ini amat rancak sebelum ditutup sepenuhnya pada tahun 2015. Semasa adanya '*Free Flow*' ini, Wang Kelian merupakan satu destinasi pelancongan yang amat meriah dan telah memberi ruang kepada peniaga-peniaga kecil di Perlis dan juga Selatan Thailand menambahkan pendapatan mereka."

[Menteri Dalam Negeri]

****UCAPAN-UCAPAN
(PERATURAN MESYUARAT 17)
(KAMAR KHAS)**

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 21.11.2023 (Selasa)	1. YB Puan Teresa Kok Suh Sim (Seputeh)	1. Masalah Pertukaran Penjawat Awam Berkepakaran dalam Bidang Khusus	1. YB Menteri di Jabatan Perdana Menteri
2. 21.11.2023 (Selasa)	2. YB Puan Teresa Kok Suh Sim (Seputeh)	2. Hasil Siasatan Rasuah Pegawai Polis Membabitkan Mangsa Braden Hoh	2. YB Menteri Dalam Negeri
3. 21.11.2023 (Selasa)	3. YB Tuan Abdul Latiff bin Abdul Rahman (Kuala Krai)	3. Kemajuan Terkini Projek Penggantian Jambatan Sungai Durian	3. YB Menteri Kerja Raya
4. 21.11.2023 (Selasa)	4. YB Tuan Abdul Latiff bin Abdul Rahman (Kuala Krai)	4. Isu Perparitan dan Banjir Kilat di Pekan Laloh dan Sekitarnya	4. YB Menteri Pembangunan Kerajaan Tempatan

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**